

佛學概論

黃懺華 著



江苏广陵古籍刻印社

佛學概論



中國佛教史綱要

黃
懺
華

著

佛
學

概
論

江
蘇
廣
陵
古
籍
刻
印
社

佛 学 概 论

黄澹华 著

江苏广陵古籍刻印社 出版发行

(扬州市凤凰桥街 24—6 号)

金坛市古籍精装印务有限公司印装

开本 850×1168 毫米 1/32 印张:8.75

1992 年 12 月第 1 版 1997 年 3 月第 2 次印刷

印数:501—1,300 册

广陵编号:118 定价:25.00 元

佛學概論

第一篇 佛學之概念

第一章 何謂佛

第一節 佛

何謂佛？何謂佛學？此研究佛學者所首應明瞭者也。

所謂佛者，梵語佛陀之簡稱。梵語者，中印度古代之語言。印度者，新稱；舊稱天竺，或云身毒，或云賢豆，譯云月。區爲東西南北中五處，稱五印度，又五天竺。佛陀，譯云覺者，又云知者。覺者，覺悟；謂於宇宙人生之真相，如所有，盡所有，所謂如理如量，了了覺知。所謂理者，宇宙萬有之實相；覺者，其各各相也。如理者，契會萬有之真實理性；如量者，通達萬有之種種差別事相也。世間羣生，由無明蓋所覆障故，於宇宙之實相，人生

之眞義，不覺不知；馳騁流轉生死長途。出世間聖人，歷劫修因，行滿果圓，於一切無明睡眠中，則然大悟，妙契宇宙之眞理；如夢雨過，天宇澄清；如頑雲開，月華皎潔；是故稱之曰覺者。如佛地經論云，於一切法一切種相，能自開覺，亦能開覺一切有情，如睡夢覺，如蓮華開，故名佛。又大日經疏云，佛陀名覺，是開敷義。謂由自然智慧，徧覺一切法，如盛開敷蓮華，無有點汙，亦能開敷一切衆生，故名佛也。又大智度論云，有常無常等一切諸法，菩提樹下，了了覺知，故名佛陀。所謂一切法一切諸法，與世典所謂宇宙萬有略同，猶言萬事萬物。一云覺有覺察覺悟二義，覺察者，察知煩惱；覺悟者，照了諸法。如大乘義章云，覺有兩義，一覺察名覺。如人覺賊；二覺悟名覺，如人睡寤。覺察之覺，對煩惱障。煩惱侵害事等如賊，唯聖覺知，不爲其害，故名爲覺。（中略）覺悟之覺，對所知障。無明昏寢事等如睡，聖慧一起，朗然大悟，如睡得寤，故名爲覺。覺復有三，一自覺，二覺他，三覺行圓滿。謂不惟自覺悟宇宙之眞理，復能以斯眞理開覺一切有情，令他覺悟；而一切自他覺行，無一刹那間，不徹上徹下徹內徹外，與宇宙之眞理契合，究竟

圓滿也。如翻譯名義集引後漢書郊祀志云，覺具三義，一者自覺，悟性眞常，了惑虛妄。二者覺他，運無緣慈，度有情衆。三者覺行圓滿，窮源極底，行滿果圓。自覺，明異凡夫，凡夫在迷，不自覺故。覺他，明異二乘，二乘自覺，不覺他故。覺行圓滿，明異菩薩，菩薩雖復修於二覺，行未圓滿故。如大乘義章又云，既能自覺，復能覺他，覺行窮滿，故名爲佛。言其自覺，簡異凡人，云覺他者，明異二乘。覺行窮滿，彰異菩薩。總之，所謂佛者，謂於宇宙人生之真相，先覺者，大覺者，無上正等正覺者。

第二節 釋迦牟尼佛

佛典言諸佛無量，有過去佛，有現在佛，有未來佛，十方三世，數等恒沙。然於此娑婆（新譯作索訶）世界，斷惑證理，說法度生，自覺覺他，覺行圓滿者，距今二千五百年前，創誕於印度之釋迦牟尼佛也。釋迦，譯云能，種族之名，印度四姓（一婆羅門，淨行者也。二刹帝利，王種也。三吠舍，商賈也。四首陀羅，農人又奴也。）中王族刹帝利種之一族也。牟尼，智者之義。所謂釋迦牟尼，義即釋迦族中之智者，舊譯作能仁寂默，此

乃已出家求解脫時所得名，後世簡稱釋迦，又稱釋迦文。實名喬答摩悉達多。喬答摩，舊譯作瞿曇，最勝義悉達多，古來譯云財吉，又云賴吉，亦云成利，然其語原，成就義時人附加薩婆卽一切義，稱薩婆悉達，新譯作薩婆曷刺他悉陀，卽一切義成就，簡稱一切義成。中印度迦毘羅衛（又作迦毘羅，新譯作毘羅伐窣堵）國主淨飯（梵云首圖駄那）王之太子也。創誕之年代，古來有種種異說，約在距今二千五百年至二千九百年前，以陽春四月八日之清晨，誕生於拘利城外藍毘尼園內無憂華樹下。生後七日，母摩耶（具云摩訶摩耶）夫人歿，受姨母摩訶波闍波提之乳養。至年七歲（一說八歲）就婆羅門之學者，習世間書典，又就武士，習諸武藝。於少日月，凡諸世間學說技藝，無弗通達。復精射御，勇力過人。年漸向大，宅心高遠，覲諸世間事相，念皆悉非常，深生厭離。嘗隨淨飯王遊於田野，見所有作人，赤體辛勤，而事耕墾。犂牛疲頓，兼被鞭撻，而彼犂傷土壤之下，皆有蟲出。人犂過後，鳥鳥飛來，爭拾蟲食。傷慙衆生互相吞食，起無限之同情與無限之悲痛。淨飯王聞之，心生愁憂，慮其出家，乃迎摩訶那

摩長者女耶輸陀羅（新譯作耶戍達羅），爲太子妃（一云太子有三妃）。并爲建寒暑雨三時之宮殿。復集姝女百千，前後圍繞。人間五欲，備以娛之。太子初不以是有所染著愛戀。一日出城東門遊觀，見頭白背偃拄杖羸步之老人，念言老至如電，我豈獨免。當此時，耶輸陀羅舉一子，名羅睺（新譯作怛）羅，簡稱羅云。太子益悟世果愈重，世苦難脫。他日，出城南門，又見羸瘦痿黃不能起舉之病人，復自思惟，假合之身，衆病所集。少時出城西門，復見死人，衆人舁行，室家哭送。慙念世間乃復有此死苦。終於城北門見修學聖道之比丘，卽思惟方便，欲求出家。太子因出四門，見有老病死苦，常恐爲此所逼，求道之念彌深。淨飯王更增伎樂以娛樂之。至夜分，諸姝女疲乏重眠，身形弊惡，不淨流溢。太子歷見，益感世間之不淨污穢，倍增厭離。

太子既洞觀世苦，以十二月八日夜半，決然捨王宮出城北門求道。其年齡有十九二十九等異說，以二十九爲正。夜漸明時，至雪山麓，問道於苦行婆羅門跋伽婆仙人。以所修苦行，爲欲生天，非解脫真正之道，捨而北行。時淨飯王遣使勸太子歸國，太

子不從，王乃於釋迦種族中，選擇憍陳如（新譯作那）等五人，令隨從給侍。太子北行至阿羅邏仙人處，問解脫之道。彼以非想非非想處爲最上涅槃。以所知見非究竟處，於是復詣鬱頭藍仙人，論議問答。同阿羅邏，卒不得所求勝法，亦捨而去，入漚樓頻螺（譯云木瓜）樹林中，修於苦行。時憍陳如等亦修苦行，供奉太子，不離其側。太子勤苦六年，不得解脫，形體羸瘦，有若枯木。一日，悟知苦行非成道之真因，卽從座起，入尼連禪河洗浴。洗浴既畢，受牧女難陀波羅二人所獻乳糜，身體光儀，平復如本。憍陳如等既見此事，驚而怪之，謂爲退轉，卽便捨去。太子遂獨至伽耶（後稱佛陀伽耶），於畢鉢羅樹（佛坐其下成等正覺，因而謂之菩提樹，譯云道樹，又云覺樹）下，敷座而坐。自誓若不證得無上菩提，終不起此座。端坐思惟，四十八日。於二月七日夜降伏魔軍已，入深妙之禪定，思惟眞諦。於初夜得宿命通，悉知過去所造善惡，從此生彼，父母眷屬，貧富貴賤，壽夭長短，及名姓字，皆悉明了。卽於衆生起大悲心，而自念言：一切衆生，無救濟者，輪迴五道，不知出津，皆悉虛僞，無有眞實，而於其中，橫生苦樂。作是思

惟，至初夜盡。於中夜得天眼通，觀察世間，皆悉徹見。見諸衆生，種類無量，死此生彼，隨行善惡，受苦樂報。如是思惟，至中夜盡。於後夜得漏盡（斷盡諸漏，即一切煩惱）通，觀察世間，以何因緣而有老死？即知老死以生爲本。又復此生，因於有生，有從取生，取從愛生，愛從受生，受從觸生，觸從六入生，六入從名色生，名色從識生，識從行生，行從無明生。若滅無明則行滅，行滅則識滅，識滅則名色滅，乃至生滅則老死憂悲苦惱滅。如是逆順觀十二因緣，第三夜分，破於無明，達究竟第一義。無明者，癡闇之心，無照了諸法事理之慧明，生死流轉之根本惑體也。究竟第一義者，究竟猶至極之義。第一義者，究竟之真理，所謂中道實相也。聖智自覺所得，非言說妄想覺境界。以其最上莫過，故稱第一。深有所以，目之爲義。如是太子三十五歲，二月八日（有異說）之拂曉，明星出時，豁然大悟，妙契宇宙之真理，得無上正真之道，爲最正覺，號天人師，具一切智，類蓮華而出水，赫煥無方。若桂月以懸空，光明洞徹。

佛典稱釋迦佛始成正覺，初七日中，自受用廣大法樂，第二七日，入海印三昧，不

動道場，爲十方深位菩薩，宣說自內證之真理，是卽大方廣佛華嚴經（略稱華嚴經）。至三七日，從三昧起，先往度阿羅邏鬱頭藍二仙，聞已命終，遂往波羅奈國鹿野苑，度橋陳如等。遂次爲提謂波利等五百商人，說歸依佛歸依法，三百歸及種種妙法。旋入鹿野苑，爲橋陳如等說四諦八正道，萬人先後皆爲佛弟子，世稱鹿野五比丘（新譯作苾芻）是爲初轉法輪。

成道二年，波羅奈國長者善覺子耶舍，歸佛出家爲沙門（出家之都名）。其父母眷屬亦同歸佛，爲最初之優婆塞優婆夷（新譯作耶波索迦耶波斯迦）。耶舍朋類五十人，亦歸佛出家。佛在鹿野苑三月，得弟子五十六人，分遣往他方隨緣教化，而獨往摩竭陀（舊譯作提）國王舍城。遂次訪事火外道優樓頻螺迦葉那提迦葉伽耶迦葉兄弟三人，爲說法。三迦葉及其弟子一千人，共歸佛出家。佛卽與三迦葉及干比丘，往王舍城。摩竭陀國王頻婆娑羅（一作瓶沙），與從者臣下百千衆，出城迎佛。佛爲說法本無我三事（情塵識，新譯作根境識）生染。王聞法已，率諸大衆歸依，於

迦蘭陀長者所施王舍城中之大竹園，建立精舍奉佛，是爲印度僧園之嚆矢，所謂竹林精舍是也。

尋婆羅門之學者舍利弗（新譯作舍利弗咀羅），目犍連（簡稱目連，具云摩訶目犍連，新譯作沒特伽羅）二人，聞佛弟子馬勝比丘爲說所聞法從緣生，亦從緣滅，一切諸法，空無有主偈，即將其弟子二百五十人，往詣竹園，歸佛出家，爲佛左右弟子。於是佛弟子，舉其大數，有千二百五十人。

時有婆羅門，從姓立名，稱迦葉波，略云葉迦，往竹園詣佛，佛爲說法，歸佛出家，修十二頭陀（翻云抖擻，新譯作杜多，翻云修治，抖擻衣服飲食住處三種貪着之行法也。）難得之行。此迦葉大行淵廣，簡異優樓頻螺等，標大名，稱摩訶（譯云大）迦葉。佛涅槃後，住持法化，被於來世。

先是舍衛（新譯作室利羅筏悉底）城，有長者，名須達（又作須達多，新譯作蘇達多），譯云善施，極濟貧乏，哀恤孤危，時人美其德，號爲給孤獨，成道六年，往王舍

城詣佛，佛爲說四諦法。須達還國，於太子祇陀（新云逝多，又作誓多）之園林，爲佛及比丘僧，建立精舍園地，善施所買，樹林誓多所施，故稱誓多林，給孤獨園，卽祇樹給孤獨園，又稱祇園（又作祇洹或祇桓）精舍。自是以後，佛多於祇園竹林二精舍說法。此時淨飯王思欲一見佛，乃還迦毘羅衛，爲淨飯王說法，度宗族數百人。提婆達多，係陀（新譯作達）羅，難陀，優波離（新譯作釐），阿難（阿難陀之略），羅睺羅等，先後歸佛出家。後淨飯王薨，其妃卽佛之養母波闍波提及耶輸陀羅等，皆歸佛，爲最初之比丘尼（新譯作苾芻尼）。

釋迦佛成道後四十餘年間，周歷四方，化導羣類；或於王宮聚落，或於園林蘭若，應機說法；以佛知見開悟衆生。最初化導，多以小乘法義；後弟子根緣漸熟，乃宣說大乘。歷四十餘年之久，所說經典頗多；如維摩楞嚴思益大集諸經及諸部般若，是也。於是三藏悉備，五乘齊化；滿出世之本懷，畢度生之能事。應世七十九年，化緣斯極，以無上正法付囑摩訶迦葉，於中天竺拘尸那城跋提河邊娑羅雙樹間，示大般涅槃；時二

月十五日之中夜（有異說）也。

第二章 何謂佛學

所謂佛學者，如前所述，釋迦佛既成正覺，不捨覺他之悲願，還以世俗言說，顯示自內證之真理，開覺一切有情，是曰佛法。常常時，恒恒時，如來（佛十號之一，乘如實道，來成正覺，故曰如來。）出世，若不出世，諸法法性安立，法界安住。然法不自顯，弘之在人。此娑婆世界之佛法者，釋迦佛所說。是故釋迦佛者，此土之根本大師也，簡稱本師。即佛法者，曠世大聖自覺聖智所流出，而妙契宇宙法界之真相者也。法者，軌則義，諸佛所說勝妙法門，能令衆生軌則而成正覺，故名爲法。一云，法者，道理義。於佛法中，有其四種：一教法，二理法，三行法，四果法。教法者，佛所說能破無明煩惱業障之聲名句文種種施設，即三藏十二部教典也。理法者，一切教法所詮之義理，即宇宙人生之真相也行法者，依理法起之戒定慧諸行，即如何持戒，如何修禪定，如何得大智慧。

也。果法者，修行滿足所證得之聖果，卽由修行之功力，於宇宙之真理妙契無間之善提涅槃等果也。釋迦如來一代教法，汗牛充棟，號稱八萬四千法門，然其宏綱，不出教理行果四法。因教顯理，依理起行，由行起果，四法收之，鮮無不盡。所謂信解行證，卽與此四法相對而言。信者，信順佛之教法；解者，解悟其義理；行者，依教理起修行；證者，依修行證悟聖果。常略云解行，解者知解，行者修行，與世所謂學理與實踐相近。然於佛典，所謂學，義苞解行，其尤著者，戒定慧三，曰三增上學。戒者戒律，防非止惡，謂之戒。定者禪定，靜慮澄心，謂之定。慧者智慧，研真斷惑，謂之慧。依戒資定，依定發慧，依慧斷除妄惑，顯發真理，因位修學，不過此三。是故所謂佛學，起實言之，應指三學。如廣釋菩提心論云，學有二種，謂世間出世間。云何世間學？謂技能工巧等。云何出世間學？謂禪定等。所謂出世間學，卽佛學也。言禪定等者，等取持戒修慧也。然近人多分佛法爲知解與行持卽學理與實踐二方面，稱其學理方面曰佛學，其實踐方面曰佛教；至有所謂學佛與佛學之分，其實佛法，佛學，佛教，佛化，其所涵義略同。隨舉其一，卽總苞教理行

果信解行證一切佛法。特就佛言之，則曰法曰教曰化；就行者言之，則曰學而已。且知解與行持，亦非截然隔別；所謂智曰行足，又依解起行行起解絕。茲姑隨順世俗言說，定義云，佛學者，佛之學理，或佛之學說；而其所陳述者，宇宙之實相，人生之真義也。